



Haurrendako Literatur Lehiaketa, gaztelaniaz eta euskaraz, 2022. urtea

Iruñeko Udalak 2022ko Haurrendako Literatur Lehiaketarako deia egin du, gaztelaniaz eta euskaraz, norgehiagokako araubidean, Iruñeko Udalaren Dirulaguntzei buruzko Ordenantza Orokorrak (2006ko 21. Nafarroako Aldizkari Ofizialean argitaratua, otsailaren 17koan) xedatzen duenarekin bat.

1.-XEDEA.-

Haurrendako Literatur Lehiaketa, euskaraz eta gaztelaniaz, 2022. urtea: Lehiaketaren xedea da Iruñean erroldatuta dauden 6 eta 14 urte bitarteko hurrek edo haien ikastetxea Iruñean duten Lehen Hezkuntzako eta Bigarren Hezkuntzako Lehen Zikloko ikasleek egindako lanik onenak saritzea. Egileek lan bana aurkezten ahalko dute modalitate bakoitzeko, gai librekoak –gaztelaniaz edo euskaraz idatzita–, eta jatorrizkoak eta argitaratu gabeak izan beharko dute. Lan bera ezin izanen da bi hizkuntzetan aurkeztu. Aurkeztutako lanek ezin izanen dute ez bultzatu ez erreproduzitu jarrera diskriminatzaile, xenofobo edo sexistarik, ezta pertsonen duintasunaren eta giza eskubideen kontra doanik ere.

2.- SARI-MODALITATEAK.-

Honako sari-modalitate hauek ezarri dira:
(Hala euskarazko lanentzat nola gaztelaniazkoentzat)

IPUINAK:

- A KATEGORIA: Lehen Hezkuntzako lehen eta bigarren mailak.
- B KATEGORIA: Lehen Hezkuntzako hirugarren eta laugarren mailak.
- C KATEGORIA: Lehen Hezkuntzako bosgarren eta seigarren mailak.
- D KATEGORIA: Derrigorrezko Bigarren Hezkuntzako lehen eta bigarren mailak.

KOMIKIAK:

- A KATEGORIA: Lehen Hezkuntzako bosgarren eta seigarren mailak.
- B KATEGORIA: Derrigorrezko Bigarren Hezkuntzako lehen eta bigarren mailak.

3.- DIRU-ZUZKIDURA.-

Deialdi honi, gehienez ere, 8.400 euro esleituko zaizkio sarietarako, Udalaren Aurrekontuko honako partida honen kargura:

80/32630480000

Sari hauek ezarri dira modalitate bakoitzerako, 2. klausulan adierazitakoaren arabera: Gehieneko aurrekontu-kontsignazio horretatik, 4.200 euro gaztelaniazko lanak saritzeko izanen dira, eta beste 4.200 euro, euskarazko lanak saritzeko.

-Lehen saria: 200 euro eskola-materialetan, lan irabazlea aurkezten duen egilearentzat, eta 250 euro eskola-materialetan, ikaslea zein ikastetxetan matrikulatuta egon eta horrentzat.

- Bigarren saria: 150 euro eskola-materialetan, egilearentzat.

- Hirugarren saria: 100 euro eskola-materialetan, egilearentzat.



Lehen sariaren irabazleak Iruñetik kanpo dagoen ikastetxe batean ikasten badu, ikastetxeak ez du jasoko dagokion eskolako material-sorta.

Eskolako material-sorta txartel baten bidez jasoko da, eta hori sariak zenbat jo eta horrenbestekoa izanen da. Txartel hori saridunak aukeratutako eskola-materialarengatik trukatu da txartelean bertan aipatzen diren dendetan. Txartela trukatzeko epea lau hilabetekoa da, hura noiz jaulkitzen den eta hortik aitzina. Txartela ez bada adierazitako epean erabiltzen, osorik edo hein batean, Iruñeko Udalak ulertuko du saridunak uko egin diola saria hartzeari edo trukatu gabe utzitako kopuruari.

Saria emanda, Iruñeko Udalak egilearengandik eskuratuko ditu, berarendako bakarrik eta mundu-mailan, saritutako lan bakoitzari dagozkion jabetza intelektualeko eskubide ekonomiko guztiak; orobat, lan horiek erreproduzitu, banatu, jendaurrean paratu eta eraldatzen ahalko ditu, libreki eta ezer gehiago ordaindu gabe, Jabetza Intelektualari buruzko Legearen Testu Bateginaren 26. artikulua ezarritako epearen barruan. Eskubidea izanen du, baita ere, lana gaur ezaguna den edo geroan asma daitekeen beste edozein bitarteko edo euskarri ukigarri edo ezin ukitukotan aurkezteko. Horrek barne hartzen ditu ustiatzeko modalitateak oro, hau da, lana edozein euskarri edo formatutan erreproduzitzekoa, lana banatzeko eta jendaurrean paratzeko eskubideen barruan, mundu osoko merkatuan ustiatzeari begira. Eskubide horien artean, berariaz daude sarturik hala lanak online igorri eta zabaltzea nola Internet erako sare digital elkarreragileetan eskura jartzea.

4.- HAUTAGAIEN BETEKIZUNAK.-

Lehiaketan parte hartzen ahalko dute bizitokia edo ikastetxea Iruñean duten 6 eta 14 urte bitarteko haurrek (Lehen Hezkuntzako eta Bigarren Hezkuntzako Lehen Zikloko ikasleek).

Iruñeko Udalaren Dirulaguntzei buruzko Ordenantza Orokorraren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:
 BAI EZ

5.- ESKABIDEAREKIN BATERA AURKEZTU BEHAR DIREN AGIRIAK, zein epetan eta non.- LANAK INTERESDUNEK EDO IKASTETXEEK AURKEZTUKO DITUZTE, PAPEREAN.

Parte hartzeko eskaera posta helbide honetara bidali behar da:

Hezkuntza, Herritarren Partaidetza eta Gazteriako Alorra - Descalzos k., 72. 31001 Iruña

Halaber, beste edozein bide erabiltzen ahalko da lanak aurkezteko, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikulua aurreikusten dituen artean.

Lanak aurkezteko epea deialdi honen laburpena Nafarroako Aldizkari Ofizialean argitaratzen den unetik aurrera hasiko da, eta 2022ko apirilaren 29an amaituko.

Aurkeztu beharreko lanen luzera honako hau izanen da:

IPUINAK:

A kategoria (Lehen Hezkuntzako 1. eta 2. mailak): 2 orri gehienez ere, alde bakar batez idatziak, ilustrazioak barne.

B kategoria (Lehen Hezkuntzako 3. eta 4. mailak): 3 orri gehienez ere, alde bakar batez idatziak, ilustrazioak barne.

C kategoria (Lehen Hezkuntzako 5. eta 6. mailak): 4 orri gehienez ere, alde bakar batez idatziak, ilustrazioak barne.



D kategoria (DBHko 1. eta 2. mailak): 6 orri gehienez ere, alde bakar batez idatziak, ilustrazioak barne.

KOMIKIAK:

A kategoria (Lehen Hezkuntzako 5. eta 6. mailak): 3 orri gehienez ere, DIN A-4 formatukoak edo horren pareko neurrikoak.

B kategoria (DBHko 1. eta 2. mailak): 4 orri gehienez ere, DIN A-4 formatukoak edo horren pareko neurrikoak.

Gaia librea izanen da, eta lanek jatorrizkoak izan behar dute, ez-itzuliak, eta gaztelaniaz edo euskaraz idatziak. Lan bera ezin izanen da bi hizkuntzetan aurkeztu.

Lan bakoitza identifikaziorik gabeko gutun-azal batean aurkeztu beharko da, honako hau idatzita:

IRUÑEKO UDALAREN HAURRENDAKO LITERATUR LEHIAKETA

HIZKUNTZA:

MODALITATEA:

ZEIN KATEGORIATARA AURKEZTEN DEN:

LANAREN IZENBURUA:

EGILEAREN IKURRITZA EDO IZENORDEA:

Halaber, gutun-azalaren barnean, lanaz gain, beste gutun-azal bat sartuko da, itxita, egilearen ikurritzaz edo izenordeaz errotulatu, non egilearen honako datu hauek sartuko baitira: izen-abizenak, helbidea, telefonoa, ikasmila eta ikastetxea.

Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak suntsitzen ahalko ditu jaso ez diren lanak, betiere ebazpenaren kontrako errekurtsorik aurkeztu ez bada.

6.- EPAIMAHAIA.-

Epaimahaia Iruñeko Udalak izendatuko du, eta honako hauek osatuko dute:

- Epaimahaiburua: Hezkuntza, Herritarren Partaidetza eta Gazteriako Alorreko zinegotzia.
Ordezkoa: Hezkuntza, Herritarren Partaidetza eta Gazteriako Alorreko zuzendaria.

- Epaimahaikideak:

Gaztelaniazko lanetarako:

- Lehen Hezkuntzako Hizkuntza-irakasle bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Bigarren Hezkuntzako Hizkuntza-irakasle bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Haur-literaturan aditu bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Komikien edo adierazpen plastikoaren arloko espezialista bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Udaleko pedagogo bat.



- Idazkaria: Administrari bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

Euskarazko lanetarako:

- Epaimahaiburua: Hezkuntza, Herritarren Partaidetza eta Gazteriako Alorreko zinegotzia.
Ordezkoa: Hezkuntza, Herritarren Partaidetza eta Gazteriako Alorreko zuzendaria.

- Epaimahaikideak:

- Lehen Hezkuntzako Hizkuntza-irakasle bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Bigarren Hezkuntzako Hizkuntza-irakasle bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Haur-literaturan aditu bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Komikien edo adierazpen plastikoaren arloko espezialista bat, Hezkuntza, Herritarren Partaidetza eta Gazteriako Alorreko zinegotzi ordezkariak izendatua.

- Udaleko euskara koordinatzailea.

- Idazkaria: Euskara Departamentuko administrari bat.

Bi epaimahaiak irizpide bereberekin bat jardunen dira, eta horiek 9. zenbakian ezarritakoak izanen dira. Lehiaketara lan asko aurkeztu direlako beharrezkoa balitz, bi epaimahaietan kide bat edo gehiago erants daitezke, lanak arinago irakurri eta zuzentze aldera.

Organo eskudunari, hau da, Hezkuntzako zinegotzi ordezkariari, aurkeztuko zaio saria emateko proposamena, horrek proposamenaren gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezein lanek ez badu behar adinako meriturik edo kalitaterik.

Epaimahaiak accesiten bat proposatzeko aukera: BAI EZ

Salbuespen gisa, kategoria bakoitzeko accesit bakarra ematen ahalko da, inolako diru-sari edo gauzazko saririk gabekoa.

7. DATU PERTSONALEN TRATAMENDUA.-

Iruñeko Udala da arduradun botere publikoetz baliatuz dirulaguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Datuen tratamendu-zerrenda eta informazio osagarria www.pamplona.es webgunean kontsultatu ditzakezu.

Sari-banaketaren irudiak Udalaren webgune korporatiboan eta sare sozialetan argitaratu daitezke, eta hedabide ezberdinetan zabaldu.

8.- EBATZI ETA JAKINARAZTEKO EPEA.-

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa dirulaguntza hau kudeatzen duen Alorreko Idazkaritza Teknikoa izanen da.



Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legean aurreikusitakoarekin bat.

Ebazpena argitaratzeko beharra: BAI EZ

Baiezkoa bada, non argitaratu:

9.- KONTUAN HARTU BEHARREKO BESTE BATZUK.-

Saritu gabeko lanak berreskuratzen ahalko dira Iruñeko Udaleko Hezkuntzako, Herritarren Partaidetzako, eta Gazteriako Alorrean (Descalzos kalea 72, 3. solairua), ebazpena argitaratu eta bi hilabeteko epean.

Lehiaketaren epaia emateko aplikatuko diren irizpideak ikasleek ikasturte bakoitzean egiten dituzten ebaluazio-probetan baloratzen diren berberak dira, hau da:

- aurkezpena eta ortografia
- istorioaren koherentzia eta egitura; pertsonaiak nola sortu eta tratatzen diren.
- gramatika-zuzentasuna eta hiztegi aberatsa.
- originaltasuna eta sormena; egiantzekotasuna.
- beste zenbait alderdi (literaturazkoak eta literaturaz kanpokoak).
- komikien hizkuntzako beste zenbait baliabide.

Epaimahaia izanen da aurkeztutako lanen balorazioari dagokion edozein gorabehera edo erreklamazio ebazteko organo eskuduna.

10.- ERREKURTSOAK.-

Lehiaketan parte hartzeak berekin dakar haien lanekin parte hartzen dutenek oinarriak onartu eta horiei men egitea.

Lehiaketa honen garapenaren eta oinarri hauen interpretazioaren inguruko gatazkak oro organo emaileak ebartziko ditu.

Deialdi honen, oinarri hauen eta horiek betearazteko har daitezkeen administrazio-ebazpenen aurka errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organuari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.



Ayuntamiento de
Pamplona

Iruñeko
Udala

T. 948 420 100 / 010
www.pamplona.es

SARI-DEIALDIA